



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-684-6/22**

Datum: **07.06.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „Elektro Grupa“ d.d. Mostar za izmjenu rješenja o vodnoj dozvoli broj: UP-1/21-3-40-684-5/22 od 10.02.2023. godine za objekat male hidroelektrane «Voljevac» na rijeci Vrbas, općina Gornji Vakuf – Uskoplje, na osnovu člana 139. stav (1) tačka 7. u vezi sa članom 130. Zakona o vodama («Službene novine Federacije BiH», broj 70/06) i člana 262. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o izmjeni rješenja o vodnoj dozvoli**

Pravomoćno rješenje o vodnoj dozvoli broj: UP-1/21-3-40-684-5/22, za objekat male hidroelektrane «Voljevac» na rijeci Vrbas, općina Gornji Vakuf – Uskoplje, doneseno od strane Agencije dana od 10.02.2023. godine mijenja se u dijelu koji se odnosi na rokove realizacije aktivnosti propisanih u tačkama 2.3., 2.9. i 2.11. Rješenja i navedene tačke sada glase:

„**2.3.** U toku prvih 18 (osamnaest) mjeseci važenja ove dozvole podnoscilac zahtjeva je obavezan izraditi - uskladiti Elaborat o određivanju ekološki prihvatljivog protoka u skladu sa Pravilnikom o načinu utvrđivanja ekološki prihvatljivog protoka („Službene novine Federacije BiH“, broj 4/13, 56/19, 62/19 i 63/22). Usklađeni Elaborat je potrebno dostaviti ovoj Agenciji na evaluaciju.“

„**2.9.** Da se toku prvih 12 (dvanaest) mjeseci važenja ove dozvole, u skladu sa članom 29. Općeg akta o održavanju, korištenju i promatranju vodnog objekta male hidroelektrane „Voljevac“ na rijeci Vrbas i postupanju u slučaju kvara i havarija, veljača 2017. godine, izradi dokument Upute o kontroli i održavanju male hidroelektrane „Voljevac“ koje će, između ostalog sadržavati i opis sistema za monitoring ekološki prihvatljivog protoka, situacioni prikaz položaja pojedinih komponenti hidrološkog monitoringa (letvi, mjernih uređaja, način očitavanja podataka i sl.) i objašnjenjima vezanim za način upravljanja radom ove hidroelektrane uvažavajući pogonske, hidrauličke, hidrološke i druge uvjete (vodostaji, proticaji i sl.) pri kojima se vrše odgovarajuće manipulacije opremom (zaustavljanje turbine, start, praćenje pogona).“

„**2.11.** Da se u toku važenja ove dozvole riješe imovinsko pravni odnosi i reguliše pravo korištenja javnog vodnog dobra u skladu sa odredbama Pravilnika o načinu i uslovima ograničenog prava korištenja javnog vodnog dobra («Službene novine Federacije BiH», broj 26/09).“

Ostale odredbe dispozitiva Rješenja broj: UP-1/21-3-40-684-5/22 od 10.02.2023. godine ostaju nepromijenjene.

OBRAZLOŽENJE

Od strane pravnog lica „Elektro Grupa“ d.d. Mostar, dana 30.05.2023. godine upućen zahtjev za izmjenu rješenja o vodnoj dozvoli broj: UP-1/21-3-40-684-5/22 od 10.02.2023. godine za objekat male hidroelektrane «Voljevac» na rijeci Vrbas, općina Gornji Vakuf – Uskoplje.

Uz akt zahtjeva dostavljeno je sljedeće:

U zahtjevi su navedeni razlozi zbog kojih se traži izmjena rješenja odnosno izmjena propisanih rokova realizacije aktivnosti propisanih u tačkama 2.3., 2.9. i 2.11. Rješenja.

Uvažavajući obrazloženje podnosioca zahtjeva, nakon uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu rješenja se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 130. Zakona o vodama i člana 262. stav 3. Zakona o upravnom postupku, ovo rješenje djeluje samo za ubuduće.

UPUTA O PRAVNOM LIJEKU:

Protiv ovog dopunskog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:
Nihad Pezo, dipl.inž.građ.

Po ovlaštenju
Rukovodilac sektora za
izdavanje vodnih akata



Haris Ališehović, dipl.inž.građ.

Dostaviti:

- „Elektro Grupa“ d.d. Mostar, Kneza Branimira 2, 88000 Mostar
- AVP, ISV – Vodna knjiga
- ⊖ Sektor 40, arhiva
- oglasna ploča – AVP Sava